

# AD LECTOREM.



Er Anni hujus decursum in Scholasticis prælectionibus exercuimus animum Ethicorum certaminum quinquertio : vide-licet celeberrima Græcia Olympia (a) Epicteti manuductionem secuti ad disciplinam Moralem aptavimus , ut quemadmodum in iudis illis juventus Græca , & quæ postmodum hanc imitata est Romana, per umbratiles pugnas exercebat corpora, ita & nos exerceveremus animos. In Eleis Olympiæ campis, in circis & amphitheatris Romanis per domesticos ludicrōsque conflictus comparabatur ars , & vires ad externos hostes vincendos , quibuscum seriis bellis concurrendum erat. Et apud nos rudimenta ponuntur , quibus animi parantur ad fortiter pugnandum adversus pravos mores , & pseudopolitiæ machinas. Utro-bique pugnæ præludium , sed tantò unum altero magis arduum , quantò plus est animos vincere quām corpora. Utrumque verbis, aut ludicro factō exprimes facile : at ubi re ipsa veris exemplis agendum est , & pugnandum seriō , fatiscet cor-pus , linquetur animus , nisi illud exercitatione multa , hic meditatione plurima fuerit instructus.

Quia ergo tractationem Ethicam propositum nobis erat cum Historia con-jungere , verbis & umbratili Olympiorum bello jungimus seria bellorum exempla. Hæc si ad animum referas, facient sanè plus aliquid , quām simulata : hinc enim ille magis incitatitur ad pacem & felicitatem propriam , privatam & publicam, non fictis præliis, sed sinceris conatibus interiùs exteriusq; comparandam. Quòd autem exempla bellica sumamus ex Augustissimæ Domus Austriacæ gestis, res ipsa de se rationem reddit , quia patria, domestica, pro aris & focis nostris suscepta, Principum nostrorum sunt. Sed & non minus rara , & quibus si qua fortasse paria , vix aliqua majora : quódque hic princeps est , justa , communis boni & pacis studio gesta.

Absolvimus illa quinque prælusionibus , quia numerum ad agones Olympicos definimus , in quibus totidem certaminum genera , cursus , saltus, jactus, lucta , pugilatus. Tam exiguo numero velut quinque diffractiones nucis putaminibus immensam annorum & gestorum Iliadem complectentur , ita quidem , ut nihil magnitudine sua memoratu dignum volentibus exciderit, pleraque tamen contrahere opus fuerit , sæpe etiam minutiora relinquere. Nimirum pictorum more , quibus non vitio sed artificio datur imaginem aptare compendiosæ tabellæ , et si partes aliquæ tegantur studio neglectu; penitus aut saltem adeò minutim non exprimantur alia , quo & arti pretium , & oculis delectatio accrescit.

Prolusionem deinde quamlibet appendice dissertationum & problematum Ethico-Polemicorum coronamus, quia , cum historia sit (b) verissima disciplina exercitatioque ad res Civiles , coronis ejus & finis semper esse debet togata sagatāque prudentia , quæ ope Moralis Scientiæ ex rerum gestarum narratione conficitur. Hinc (c) ad con-sultationem utilissima historia est ; cùm enim ut plurimum futura præteritis simillima sint , anteactorum eventuum narrationes sunt gerendorum securissima præjudicia, quibus fit, ut in decisionibus tam civilibus, quām criminalibus seu pace seu bello faciendis (d) consilium futuri ex præterito veniat.

His non tam monitum, te benigne Lector, voluimus , quām rogatum, ut pri-mum hoc Academiæ Ethicæ specimen benevolè admittas , excuses, defendas , nec tam in operis ipsius errata , quām in bene sentientis volentisque animi affectum æquos oculos conjicias. Styli ornatum ne requiras, ubi non historiam profitemur, sed tantum proludimus. Epiphonematum, gnomarum, politicarūmque observa-tionum vices supplebunt dissertationes cum problematis. Si authores petas, unde narrationibus nostris fides sit, consule Gerardum de Roo, Brietum, Forestium, aliósque ab iis citatos, ex quibus collectas, in ordinem ad scopum nostrum redigimus. Vale , & nobis, multoque magis Ethicæ atque Historiæ addictus vive.

(a) Enchirid. c. 35. (b) Polyb. l. I. (c) Arist. Rhet. l. I. c. 21. (d) Sen. Ep.